

आकाशवाणी

1. प्रधानमंत्री नरेंद्र मोदी ते फ्रांस दे राष्ट्रपति होरें मार्से च भारत दे पैहले सफारतखाने दा उद्घाटन कीता।
2. विदेश सचिव विक्रम मिसरी होरें आखेआ जे प्रधानमंत्री नरेंद्र मोदी ते फ्रांस दे राष्ट्रपति होरें यूरोप, पच्छिम एशिया ते भारत प्रशांत खिते च हाल दी भू-राजनैतिक गतिविधिएं पर चर्चा कीती।
3. मालदीव्स दे इक संसदीय शिष्टमंडल नै नमीं दिल्ली च उपराष्ट्रपति जगदीप धनखड़ हुंदे कन्ने मलाटी कीती।
4. मच्छी पालन मैहकमे दे मंत्री राजीव रंजन होरें अज्ज नमीं दिल्ली च मच्छी पालन ते Aquaculture सरबन्धी एशिया दे 14 ते AFAF दा उद्घाटन कीता।
5. आर.बी.आई नै बैंके गी आखेआ ऐ जे ओह 31 मार्च गी सरकारी कम्मकाज लेई खुल्ले दे रौहन।
6. अज्ज मुख्य भरै च गुरु रविदास जयंती मनाई जा'रदी ऐ।

<><><><><><>

PM Marse

प्रधानमंत्री नरेंद्र मोदी ते फ्रांस दे राष्ट्रपति इमैनुएल मैक्रॉ होरें अज्ज दपैहरी ऐतिहासिक फ्रांस दे शैहर मार्से च पैहले भारतीय वाणिज्य दूतावास दा सांजे तौर पर उद्घाटन कीता। इसदे थावा पैहले दिनें च दोनें नेताएं शहर च भारतीय समुदाय दे सदस्ये कन्ने गल्लबात कीती। उने मजार-ग्यूज युद्ध कब्रिस्तान च पैहले ते दुए विश्व युद्ध दौरान अपने प्राणें दी आहूति देने आहले भारतीय सैनिकें गी श्रद्धांजलि भेंट कीती। राष्ट्रमंडल युद्ध कब्र आयोग आस्सेआ प्रशासित एह कब्रिस्तान इक हजार सात सौ थावा मते सैनिकें दा विश्राम स्थल ऐ। उन्दी सेवा दे सम्मान च 1925 च पैहली बारी इत्थे इक भारतीय स्मारक दा बी पर्दा गोआडेआ गोआ हा पेरिस च उच्च स्तरीय कार्यक्रमें दी इक श्रृंखला दे समापन मगरा श्री मोदी ते फ्रांस दे राष्ट्रपति मैक्रॉ अज्ज बडलै मार्से पुज्जे। मार्से च भारतीय समुदाय नै उनदे औने पर उनदा गर्मजोशी ते उत्साह कन्ने सोआगत कीता। दोनें नेताएं अंतर्राष्ट्रीय थर्मो-न्यूक्लियर प्रायोगिक रिपेक्टर परियोजना दा बी दौरा कीता। अपनी यात्रा दौरान, प्रधानमंत्री मोदी होरें मार्से बंदरगाह दा दौरा कीता जेडा फ्रांस दा सबने थावा बड्डा ते भूमध्य सागर च त्रिया सबने थावा बड्डा बंदरगाह ऐ। एह यूरोप, अफ्रीका, पश्चिम एशिया ते पूर्वी एशिया बश्कार व्यापार आस्तै इएक प्रमुख प्रवेश द्वार ऐ। फ्रांस च अपनी यात्रा खतम करने मगरा, प्रधानमंत्री मोदी राष्ट्रपति डोनाल्ड ट्रम्प हुन्दे साददे पर संयुक्त राज्य अमरीका दी दो दिन दी यात्रा आस्तै रवाना होई गए।

<><><><><><>

Misri-Press

विदेश सचिव विक्रम मिसरी होंरें आखेआ ऐ जे प्रधानमंत्री नरेंद्र मोदी ते फ्रांस दे राष्ट्रपति इमैनुअल मैक्रॉ होंरें हाल दे भू राजनीतिक गतिविधिं पर अपने विचार सांझा कीते। उनें यूरोप, पच्छिम एशिया ते भारत प्रशांत सने केई महत्व आहले विशं पर चर्चा कीती। विदेश सचिव होंरें आखेआ जे दौनें नेताएं कई सारे वैश्विक ते खेत्तीय महत्व आहले मामलें पर चर्चा कीती। दौनें नेताएं मार्से तगर किट्ठे यात्रा कीती। उनें आखेआ जे एह चीज ना छड़ा दौनें नेताएं बश्कार दे निजी भरोसे गी दर्शादी ऐ, सगुआं इक दुए प्रति जेड़ा विश्वास ऐ उसी बी उजागर करदी ऐ।

<><><><><><>

PM-Pichai

प्रधानमंत्री नरेंद्र मोदी होंरें आखेआ ऐ जे भारत आर्टिफिशल इंटेलीजेंस च टकोहदी प्रगति होआ करदी ऐ। मोदी होंरें दुनिया थवां भारत च आयकर निवेश करने ते भारत दी युवा शक्ति पर विश्वास करने दा आग्रह कीता। प्रधानमंत्री होंरें पेरिस च ए.आई एक्शन समिट च गूगल दे सीईओ सुंदर पिचाई कन्ने मलाटी मगरा टिप्पणी कीती। पिचाई होंरें मलाटी गी मेदे भरोचा दस्सेआ। सोशल मीडिया पोस्ट च पिचाई होंरें आखेआ जे ए.आई आसेआ भारत च आहन्ने जाने आहले मौकें ते उनें तरीकें पर चर्चा होई जिंदे कन्ने भारत दे डिजिटल बदलाव पर रलिए कम्म कीता जाई सकदा ऐ।

<><><><><><>

PM-Neeraj Chopra

प्रधानमंत्री नरेंद्र मोदी होंरें फिटनेस गी बढ़ावा देने आस्तै ओलंपिक च सुन्ने दा तगमा जितने आहले नीरज चोपड़ा हुंदे जत्नें दी सराहना कीती ऐं सोशल मीडिया पोस्ट च उनें सेहतमंद जीवनशैली बनाई रक्खने पर जोर दितां फिट इंडिया दे महत्व पर नीरज चोपड़ा हुंदे लेख दे परते च मोदी होंरें आखेआ जे एह जानकारी बदाने आहला ते प्रेरक लेख ऐ।

<><><><><><>

PM-Dayanand

प्रधानमंत्री नरेंद्र मोदी होंरें अज्ज महान विचारक, राष्ट्रवादी ते समाज सुधारक दयानंद सरस्वती होंरें गी उंदी जयंती पर श्रद्धांजलि भेंट कीती। प्रधानमंत्री होंरें सोशल मीडिया पोस्ट च आखेआ जे महर्षि दयानंद जीवन भर समाज गी अज्ञानता, अंधविश्वास ते दखाते खलाफ जागरूक करने च लग्गे रेय। श्री मोदी होंरें आखेआ जे शिक्षा ते महिला सशक्तिकरण दे कन्नो-कन्नी भारतीय विरासत ते संस्कृति दी राखी हिफाजत ताई महर्षि दयानंद हुंदियां कोश्टां देशवासियें गी म्हेशां प्रेरित करदियां रौहंगन।

<><><><><><>

P.President Maldives

मालदीव्स पीपल्स मजलिस दे अध्यक्ष अब्दुल रहीम अब्दुल्ला हुंदी अगुवाई च मालदीव्स दा इक संसदीय शिष्टमंडल अज्ज नमी दिल्ली च उपराष्ट्रपति जगदीप धनखड़ हुंदे नै मिलेया। बैठक दौरान भारत ते मालदीव्स बश्कार दपक्खी सरबंधे दे बक्ख-बक्ख पहलुएं पर तफसीली सोच विचार होआ ते कन्नै इनें सरबंधे गी भविकख च होर निग्गर बनाने बारे सुझाएं पर बी बचार बडांडरा कीता गेआ।

<><><><><><>

Vaishnav-Semiconductor

इलेक्ट्रानिक्स ते सूचना टेकनालजी मैहकमे दे केंद्री मंत्री अश्विनी वैष्णव होरे आखेआ जे लैम रिसर्च नै भारत च 10 जहार करोड़ रुपें शा मते दी रास-पूंजी लाने दा ऐलान कीता ऐ। इक सोशल मीडिया पोस्ट च इस बारे जानकारी सांझी करदे होई मंत्री होरे आखेआ जे एह पैहलकदमी भारत दी सेमीकंडक्टर जातरा च इक संगेमील ऐ।

<><><><><><>

West Bengal Budget

पच्छिम बंगाल च अज्ज विधानसभा च राज्य दी वित्त मंत्री चंद्रिमा भट्टाचार्य होरे बजट पेश कीता। सदन च पेश कीते गेदे बजट च सरकार नै दस्सेआ ऐ जे पच्छिम बंगाल दे सकल राज्य घरेलू उत्पाद 18 लक्ख करोड़ रुपे गी पार करी गेआ ऐ। बजट च राज्य दा राजस्व घाटा 35 जहार 314 करोड़ रुपे दस्सेआ गेआ ऐ।

<><><><><><>

Surajkund Mela

हरियाणा दे फरीदाबाद च आयोजित 38में सूरजकुंड अंतर्राष्ट्रीय शिल्प मेले च मुख्य भरे सोयां बड़ी मती गिनतरी च लोग पुज्जा र दे न। इस वरे दे मेले दे साझेदार राज्य मध्य प्रदेश ते ओडिशा न। मेले च मिस्र, इथियोपिया, सीरिया, अफगानिस्तान, बेलारूस सने लगभग 42 देशे दे लगभग छह सौ प्रतिभागी हिस्सा लै र दे न। इसदे अलावा, बिम्सटेक देशे - बांग्लादेश, भूटान, म्यांमार, नेपाल, श्रीलंका ते थाईलैंड सने केई देश भी मेले च हिस्सा लै र दे न। इस मेले दा मकसद हस्तशिल्प ते हथकरघा गी बढ़ावा देना ऐ।

<><><><><><>

LG-Review Meeting

जम्मू-कश्मीर च हाल दे किश दिनें दौरान पेश आई दिएं आतंकी घटनाएं दी पछौक्कड़े च उपराज्यपाल मनोज सिन्हा होरे अज्ज पुलस कंट्रोल रूम श्रीनगर च इक उच्ची सतह दी बैठक सद्दी। अधिकारिक सूत्रे मूजब बैठका च फौज, पुलस, सी.आर.पी.एफ दे होरनें सुरक्षा एजेसिएं दे बड्डे अफसर बी मजूद हे। अजे हाल च गै केंद्री गृह मंत्री अमित शाह होरे बी जम्मू-कश्मीर दे सुरक्षा हालात बारे जायजा लैने गिते दउं महत्वपूर्ण बैठकां सद्दियां हियां जिंदे च जम्मू-कश्मीर च आतंकवादिएं ते उंदी मदद करने

आलें खलाफ सखत कार्रवाई कने ते कन्नै बक्ख-बक्ख सुरक्षा ते खूफिया एजेंसिएं बश्कार नेड़मा तालमेल बनाइये कम्म करने लेई आखेआ हा।

<><><><><><><><>

CM Pre Budget

मुखमंत्री उमर अब्दुल्ला होंरें अज्ज श्रीनगर च विधायकें कन्नै बजट शा पैहले सलाह सूत्र आहली बैठक दी प्रधानता कीती। बैठक दा मकसद औंदे बजट सत्र ताईं मुख प्राथमिकताएं ते सुझाएं पर चर्चा करना हा। बैठक दौरान विधायकें विकास सरबन्धी जरूरतें, बुनियादी ढांचा परियोजनां ते समाजी आर्थिक चेंताएं पर अपने सुझा सांझे कीते। मुखमंत्री होंरें समावेशी विकास दे महत्व ते लोकें दिये आसं-मेदें पर खरा उतरने दी लोड़ पर जोर पाया ते आखेआ जे चर्चा करने कन्नै जम्मू-कश्मीर च सामे विकास गी यकीनी करने ताईं बजट गी आकार देने च मदाद थहोग।

<><><><><><><><>

Andhra-Pradesh

आंध्र प्रदेश च एवियन इन्फ्लूएंजा जिसी बर्ड फ्लू बी आखेआ जंदा ऐ, नै पूर्वी ते पच्छमी गोदावरी जिलें च कुकड़ी पालन गी बड़ा मता प्रभावित कीता ऐ। इस लागै कारण जहारां बद्दिएं कुकड़िएं दी मौत होई गई ऐ। पूर्वी ते पच्छमी गोदावरी जिलें च प्रशासन नै प्रभावित इलाकें च जैविक सुरक्षा दे उपा कीते देन, पर फही बी कुकड़ी पालकें दा काफी नुकसान पैहले गै होई चुके दा ऐ। हालात पर काबू रखने लेई सब्बनं मंडल खेतरें च तुरत कार्रवाई करने लेई टीमं दा गठन कीता गेदा ऐ जेड़ियां हालात पर नेड़मीं तक्क रक्खा करदियां न।

<><><><><><><><>

RBI

भारतीय रिजर्व बैंक नै सरकारी कम्मकाज आस्तै सेवा देने आहले सारे बक्कें सोयां 31 मार्च 2025 गी अपनियां सारियां शाखा खुल्ली रक्खने लेई परामर्श जारी कीता ऐ। केंद्री बैंक नै आखेआ ऐ जे उसी इस सरबन्धे च अनुरोध हासिल होए जे सरकारी कम्मकाज च कन्नै जुड़ी दियां सेवां देने आहले बैंकें दियां सारियां शाखां 31 मार्च 2025 गी खुल्ली दियां रौहन तां जे माली बरे 2024-25 दे भुगताने ते होर दुए कम्में दा नबेड़ा कीता जाई सकै।

<><><><><><><><>

14 AFAP Rajiv

मच्छी पालन सरबन्धी मैहकमे दे मंत्री राजीव रंजन सिंह होंरें अज्ज नमीं दिल्ली च 14में मच्छी पालन ते एक्वाकल्चर फोरम ए.एफ.ए.एफ दा उद्घाटी कीता। इस मौके पर बोलदे होई उनें आखेआ जे एह फोरम इक मंच उपलब्ध करोआग। मच्छी पालन आहले सैक्टर कन्नै जुड़े दे लोकें ते सरबन्धी धड़ें गी

होरें परौहनें दा सौआगत करदे होई आखेआ जे परौहने रेडियो दी धरोहर गी अपनी कला दे राएं अग्गे बदाया ऐ।

<><><><><><><><>

JK Panchayat Infra

केन्द्र सरकारें, पिच्छले त्र'ऊं ब'रें दरान जम्मू-कश्मीर च पंचैतें सरबंधी ढांचे गी तगड़ा बनाने लेई 350 करोड़ 56 लकख रुपे मंजूर कीते न। आकाशवाणी दे जम्मू संवाददाता दी रिपोर्ट मूजब, केन्द्री पंचैती राज मंत्रालय नै राश्ट्री ग्राम स्वराज अभियान दे तैहत ग्रामीण शासन ते डिजिटल ढांचागत विकास लेई जम्मू-कश्मीर गी सुददे फंड अलॉट कीते न। लोकसभा च पेश कीते गेदे अधिकारिक आंकड़ें मूजब, 290 करोड़ 23 लकख रुपें दी कुल रकम, पंचैत भवनें दे निर्माण लेई मंजूर कीती गई जिसलै के सांझे सेवा केन्द्रें लेई 164 करोड़ 90 लकख रुपें दी रकम अलॉट कीती गई। एहदे अलावा खिते च डिजिटल शासन च बाददे दे मकसद कन्ने कम्प्यूटर उपलब्ध करोआने लेई 6 करोड़ 31 लकख रुपें दी रकम बक्ख बी रक्खी गई। जम्मू-कश्मीर नै ई-गवर्नेस च असरदार तरक्की कीती ऐ। इस कम्मै लेई 7 जहार 795 गां पंचैतां ई-ग्राम स्वराज प्लेटफार्म पर न ते 7,729 सक्रिय ढंगगै सिर ऑनलाइन भुगतान करा करदिआं न जेड़ा जे डिजिटल गवर्नेस दी तरक्की गी उजागर करदा ऐ।

<><><><><><><><>

Final Respects

अखनूर सैक्टर च कब्जा रेखा कश कल होए दे इक्क धमाके दौरान शहीद होए दे इक कैप्टर सने सेना दे 2 कर्मियें गी अफसरें पासेआ अज्ज खीरी श्रद्धांजलि दिती गई। शहीद कैप्टन कमरजत सिंह बखशी रांची झारखंड थमां ते जम्मू-कश्मीर दे सांबा थमां नायक मुकेश सिंह मन्हास होरेंगी श्रद्धांजलि देने गितै भारतीय वायु सेना स्टेशन जम्मू च पुष्पांजलि भेंट कीती गई। एहदे मगरा उन्दे पार्थिव शरीरें गी खीरी संस्कार ताई उन्दे घर भेजे गे।

<><><><><><><><>